


寒温条辨

卷一



5534

01

重刊寒溫條辨



523

5534.8
北京中醫藥大學
北京中醫藥大學圖書館版權所有

光緒元年夏月
刊於黔陽藩署

袁簡齋先生序

技術之妙乃進乎道自司馬子長傳扁鵲倉公厥後
爲史者類取神奇詭祕之說以附於正史予頗疑其
非經然觀周禮周公所以治天下者無一事之不備
至于醫師特令上士爲之下逮于鳥獸亦有醫以是
知百家技藝皆聖人之所創制民生之不可一日無
者其爲經綸參贊之功至矣今世醫亦有官而四方
之爲醫者不少求如史傳之可紀者未之或聞中州
楊玉衡先生以經世之才旁治軒岐之術殆所謂技

也而進乎道者所著寒溫條辨一書破叔和之窠臼
追仲景之精微余于先生所治病狀未詳不能依扁
鵠倉公傳例而獨聞吾友靜川孫君言甲辰夏秋間
孫君署中頗感溫疫賴先生此書全活甚衆今將捐
俸開雕以廣其傳噫先生此書救世寶書也而孫君
汲汲流布之意能推其救一家之人者以救世人是
亦仁人君子之用心也夫錢塘袁枚序

楊栗山先生自序

漢長沙太守張仲景傷寒論爲醫家鼻祖其論治傷寒曰未有溫疫而不當消散者至於治溫病則曰可刺五十九穴可知溫病傷寒劃然兩途矣況世之凶惡大病死生人在反掌間者盡屬溫病而發於冬月之正傷寒百不一二仲景著書獨詳於彼而略於此何與蓋自西漢至晉中歷兩朝數經兵燹人物幾空相傳卒病論六卷不可復覩矣傷寒論十卷溫病副之想已遺亡過半王叔和搜羅遺稿編爲序例或得

之傳寫或得之口授或得之斷簡殘編使三百九十
七法一百一十三方流播人間傳之奕禩不爲無功
惜其雜以己意以溫病爲伏寒暴寒妄立四變攙入
傷寒論中以致無人不以溫病爲傷寒無人不以傷
寒方治溫病混淆不清貽害無窮將經論亦不足傳
信於世此其罪有不容逭矣自晉以來千有餘年以
傷寒名家發明其論者不可以數紀其尤者如龐安
常許叔微韓祇和王海藏趙嗣真張璧王實吳綬汪
機與林氏校正成氏詮註朱氏活人書陶氏其書景

岳全書王氏準繩其於冬月正傷寒各能援古準今
自成一家無可擬議道及溫病無一人不崇信叔和
先傳後經一字不能辨別附會支離相沿到今故尙
論篇曰有晉以後之談溫病者皆僞學也惟劉河間
直格王安道溯洄以溫病與傷寒爲時不一溫清不
同治方差強人意然於溫病所以然之故卒未能闡
發到底使人見真守定暨於臨證終屬惛恍何以拯
危殆而濟安全一日讀溫疫論至傷寒得天地之常
氣溫病得天地之雜氣而心目爲之一開又讀續論

至傷寒自氣分而傳入血分溫病由血分而發出氣分不禁撫卷流連豁然大悟因繹經論平脈篇有曰清邪中於上焦濁邪中於下焦又曰清邪中上曰潔濁邪中下曰渾清邪濁邪便是雜氣中上中下便是血分熱淫於內故經用刺穴之法斷非傷寒常氣外感氣分所有事乃論雜氣伏鬱血分爲溫病所從出之源變證之總所爲赤文綠字開天闢地之寶符豈叔和序例之造言與百家勦說雷同之所可比哉嗚呼千古疑案兩言決矣於是集羣言之粹擇千失之

得零星采輯參以管見著寒溫條辨九十二則務辨
出溫病與傷寒另爲一門其根源脈證治法方論燦
然昌明於世不復攙入傷寒論中以誤後學是則余
之志也知我罪我何暇計乎編次已定撮其大要弁
於簡端夫猶祖述仲景傷寒溫疫溫病刺穴之本意
云爾

皆

乾隆四十九年歲次甲辰正月旣望栗山老人楊璿
書於溧水縣署之槐陰軒時年九十有七

卷之六

六

三

五十四

五

五



北京中医药大学图书馆版权所有

重刊寒溫條辨序

往歲余補刊溫病條辨一書通行黔中各屬蓋以黔
當兵燹後疫癘大作業醫者不識病原往往誤投藥
餌得是書以相拯救或可保全人命於十一耳劉君
介五席君春煦均官黔而精岐黃者往來談及蜀中
刊有楊栗山先生寒溫條辨較溫病條辨尤顯明易
曉余因郵書周養卿觀察覓購來黔見其論證論脈
論方皆追原於仲景並力辨傷寒與溫病之絕不相
蒙其論傷寒乃感天地之常氣由氣分傳入血分溫



病乃感天地之雜氣由血分發出氣分故治傷寒宜發表下不嫌遲治溫病宜清裏下不嫌早而其論溫病之脈曰右手盛於左手論溫病之證曰雖有表證實無表邪尤爲鐵案不移每舉一證以寒溫相提並論使人一目了然卽不知醫者亦可玩索而有得真救時至寶也夫醫之一道以仲景爲宗所著傷寒論人皆讀之而於溫病惟云可刺五十九穴蓋非無醫方要皆散失得栗山先生採王劉之方論破叔和之臆見深得仲景不傳之祕自晉以後千餘年訛謬相

沿至此如見天日讀是書者應恍然於常氣雜氣之
判若兩途斷不可以治傷寒之方治溫病也余素不
習醫憶同治丙寅按試銅仁時染溫病而不自知但
覺壯熱口渴遂自以大黃芒硝重劑治之竟獲無恙
益信此書所論爲不謬因捐廉重刊以冀廣行亦區
區推己及人之心云爾光緒元年歲在乙亥夏六月
湘潭黎培敬序於黔陽藩署之求補拙齋

身法便方

身法便方

身法便方

身法便方

身法便方

身法便方

身法便方



南京中医药大学图书馆版权所有

傷寒溫病條辨目錄

卷一

治病須知大運辨

脈義辨

傷寒脈證辨

溫病脈證辨

溫病與傷寒根源辨

溫病與傷寒治法辨

行邪伏邪辨

證候辨

寒熱爲治病大綱領辨

發表爲第一關節辨

溫病非時行之氣辨

溫病是雜氣非六氣辨

雜氣所傷不同辨

雜氣有盛衰辨

溫病溫疫之訛辨

四損不可正治辨

六經證治辨

壞病辨

兩感辨

傷寒合病併病辨

溫病大頭六證辨

凡二十一條

卷二

陽證辨

陰證辨

陽證似陰辨

陰證似陽辨

陽毒陰毒辨

表證辨